



## საქართველოს გაერთიანებული სახელმწიფოს და სოფლის მეურნეობის მინისტრი

### ბრძანება N 2-678

18/05/2021

ქ. თბილისი

**სს „საქართველოს ნავთობისა და გაზის კორპორაციის“ „ბაქო-სუფსის ნავთობსადენის 324 კმ-ზე მდ. რეჟისწყალთან მილსადენის გამომწვლელ მონაკვეთზე აღდგენითი სამუშაოები“; დამატებითი კვლევები და საპროექტო სამუშაოები ბაქო-სუფსის ნავთობსადენის KP-324 მდ. რეჟისწყლის მეწყრულ უბანზე“ გარემოსდაცვითი გადაწყვეტილების გაცემის შესახებ**

2021 წლის 14 აპრილს სამინისტროს მომართა სს „საქართველოს ნავთობისა და გაზის კორპორაციის“ გენერალურმა დირექტორმა და ითხოვა გარემოსდაცვითი გადაწყვეტილების მიღება.

2003 წელს სამინისტროს მიერ „საქართველოს ნავთობის საერთაშორისო კორპორაციის“ „ბაქო-სუფსის ნავთობსადენის 324 კმ-ზე მდ. რეჟისწყალთან მილსადენის გამომწვლელ მონაკვეთზე აღდგენითი სამუშაოები“; დამატებითი კვლევები და საპროექტო სამუშაოები ბაქო-სუფსის ნავთობსადენის KP-324 მდ. რეჟისწყლის მეწყრულ უბანზე“ გაიცა №19 (25.03.2003) სახელმწიფო ეკოლოგიური ექსპერტიზის დასკვნა. 2007 წელს მოხდა „საქართველოს ნავთობის საერთაშორისო კორპორაციის“ შერწყმა სს „საქართველოს ნავთობისა და გაზის კორპორაციასთან“, რაც დასტურდება სსიპ საჯარო რეესტრის ეროვნული სააგენტოს მეწარმეთა და არასამეწარმეო (არაკომერციული) იურიდიული პირების რეესტრიდან ამონაწერით.

„გარემოსდაცვითი შეფასების კოდექსის“ 48-ე მუხლის მე-4 ნაწილის თანახმად, პირი, რომელზედაც 2018 წლის 1 იანვრამდე გზშ-ის სფეროში გაცემულია შესაბამისი აღმჭურველი ადმინისტრაციულ-სამართლებრივი აქტი, ვალდებულია 2021 წლის 1 იანვრამდე, განცხადების საფუძველზე მოითხოვოს გარემოსდაცვითი გადაწყვეტილების გაცემა. სამინისტრო აღნიშნული აღმჭურველი ადმინისტრაციულ-სამართლებრივი აქტის საფუძველზე, ამ კოდექსით გარემოსდაცვითი გადაწყვეტილების გაცემისთვის განსაზღვრული პროცედურების გარეშე, მარტივი ადმინისტრაციული წარმოების წესით გასცემს გარემოსდაცვით გადაწყვეტილებას.

გარემოსდაცვითი გადაწყვეტილება გაიცემა 2003 წლის №19 სახელმწიფო ეკოლოგიური ექსპერტიზის დასკვნის საფუძველზე და საქმიანობის განმახორციელებელს დაეკისრება ვალდებულება, უზრუნველყოს გარემოსდაცვითი გადაწყვეტილებით განსაზღვრული პირობების შესრულება.

აღნიშნული გარემოსდაცვითი გადაწყვეტილებით იურიდიულ ძალას ინარჩუნებს 2003 წლის №19 სახელმწიფო ეკოლოგიური ექსპერტიზის დასკვნა, რომელიც დანართის სახით თან დაერთვება მოცემულ გადაწყვეტილებას.

ზემოაღნიშნული გარემოებებისა და „გარემოსდაცვითი შეფასების კოდექსის“ 48-ე მუხლის მე-4 ნაწილის საფუძველზე,

ვ ბ რ ძ ა ნ ე ბ:

1. სს „საქართველოს ნავთობისა და გაზის კორპორაციის“ „ბაქო-სუფსის ნავთობსადენის 324 კმ-ზე მდ. რეჟისწყალთან მილსადენის გამომვლებულ მონაკვეთზე აღდგენითი სამუშაოები“; დამატებითი კვლევები და საპროექტო სამუშაოები ბაქო-სუფსის ნავთობსადენის KP-324 მდ. რეჟისწყლის მეწყრულ უბანზე“ გაიცეს გარემოსდაცვითი გადაწყვეტილება თანდართული სახელმწიფო ეკოლოგიური ექსპერტიზის დასკვნის საფუძველზე (დასკვნა №19; 25.03.2003);
2. გარემოსდაცვითი გადაწყვეტილების მფლობელი ვალდებულია დაიცვას თანდართული ეკოლოგიური ექსპერტიზის დასკვნის პირობები;
3. ამ ბრძანების პირველი პუნქტით გათვალისწინებული გარემოსდაცვითი გადაწყვეტილება გაიცეს განუსაზღვრელი ვადით;
4. გარემოსდაცვითი გადაწყვეტილების სხვა პირზე გადაცემის შემთხვევაში გარემოსდაცვითი გადაწყვეტილების გადაცემა განხორციელდეს „გარემოსდაცვითი შეფასების კოდექსით“ დადგენილი წესით;
5. ბრძანება დაუყოვნებლივ გაეგზავნოს სს „საქართველოს ნავთობისა და გაზის კორპორაციას“;
6. ბრძანება ძალაში შევიდეს სს „საქართველოს ნავთობისა და გაზის კორპორაციის“ მიერ ამ ბრძანების გაცნობისთანავე;
7. ბრძანების გაცემიდან 5 დღის ვადაში აღნიშნული ბრძანება განთავსდეს სამინისტროს ოფიციალურ ვებგვერდზე;
8. ეს ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

გიორგი ხანიშვილი

მინისტრის მოვალეობის შემსრულებელი

